

ԽՄԿԿ Կենտկոմի գլխավոր քարտուղար, ԽՍՀՄ Գերագույն

խորհրդի նախագահ Մ. Ս. ԳՈՐԲԱԶՈՎԻ ելույթը

Կ Ե Ն Ա Տ Ր Ո Ն Ա Կ Ա Ն Ի Ե Ռ Ո Ւ Ա Տ Ա Տ Ե Ա Ո Ւ Թ Յ Ա Մ Բ

Թանկագին ընկերներ:
Այսօրվա հանդիպման ժամանակ ես կուզեմ այն ձեզ հետ խոսել ազգամիջյան հարաբերությունների հարցի մասին, այն հարցի, որը, ինչպես ես կարծում եմ, այսօր հուզում է յուրաքանչյուր խորհրդային մարդու:

Դրա ճիշտ լուծումից զգալի չափով կախված են մարդկանց անդորրն ու բարօրությունը, վերակառուցման ճակատագիրը, եթե կուզեք, մեր պետության բախտն ու ամբողջականությունը:

Մեզ բոլորիս, իրոք, չի կարող չմտահոգել, որ վերջին ժամանակներս մերք այստեղ, մեր այնտեղ ազգամիջյան հողի վրա ծագում են անհանդուրժողություն, գծտություններ, իսկ երբեմն էլ կոնֆլիկտներ, որոնք մարդկանց հանում են կյանքի բնականոն հունից, իսկ մի շարք դեպքերում վերածվել են մարդկային ողբերգությունների:

Մի՞թե կարելի է անտարբեր և անկարեկից մնալ մեզ մոտ հայտնված գաղթականների ճակատագրի նկատմամբ, մարդկանց դժբախտությունների նկատմամբ, որոնք ստիպված են լքել իրենց օջախները, թողնել ունեցվածքը, աշխատանքը:

Գաղթականների մեջ կան ծերունիներ, կանայք և երեխաներ, որոնք բախտաբեկված են ցմահ: Նրանք միայն ֆիզիկական զրկանքներ չեն կրում: Անհամեմատ ավելի ծանր են բարոյական ցնցումները, որոնք կարող են հետք թողնել մարդկանց մտածելակերպի, վարքագծի և խառնրվածքի վրա:

Բռնությունը, որը դառնում է ժողովուրդների թշնամանքի անխուսափելի հետևանք, միշտ էլ չարություն և բարոյագրկություն է ծնել:

Ես արդեն չեմ խոսում այն

մասին, որ այս ամենը կործանարար կերպով է ազդում ուղիների և ամբողջ երկրի էկոնոմիկայի վրա, հանգեցնում լուրջ նյութական կորուստների:

Երբ անցյալ տարի իրավիճակը սրվեց Լեոնային Ղարաբաղում և կանգնեցին Ստեփանակերտի ձեռնարկությունները (ի դեպ, մեր մասշտաբներով փոքր քաղաքում), դա անդրադարձավ հարյուրավոր ձեռնարկությունների աշխատանքի դիմի վրա, ազդեց աշխատավորների բազմաթիվ ընտանիքների բյուջեի վրա, նրանց վնաս պատճառեց:

Մենք խոսում ենք ազգամիջյան բախումների առանձին օջախների մասին: Բայց, եթե չգիտակցենք նման երևույթների ամբողջ վտանգավորությունը, եթե դրանք տարածվեն, ապա մեզ կարող են ըստպատել ավելի վատ ժամանակներ:

Բոլոր ազգությունների մարդիկ պետք է գիտենան այդ իրավիճակը, գիտակցեն այն: Անպատասխանատու կարգախոսները, քաղաքական սադրանքը, շեշտը արհեստական դիմակայության և շահերի բախման վրա, որոշ ազգերի կողմից մյուսների դուրսմղման վրա դնելը; նման կարգի կոչերն ու գործողությունները կարող են հանգեցնել համընդհանուր աղետի:

Ներկա սերունդը և մեր սերունդները կանխեն թե նրանց, ովքեր դրդեցին այդ ուղին բռնել, և թե նրանց, ովքեր ժամանակին չնախազգուշացրին, խելահեղությունից հետո չպահեցին:

Որպես ԽՍՀՄ Գերագույն խորհրդի նախագահ իմ պարտքն էմ համարում նախազգուշացնել հասարակության համար, յուրաքանչյուր ընտանիքի, յուրաքանչյուր մարդու համար ազգամիջյան

հարաբերությունների սրման և դրա հետ կապված հետևանքների հարաճուն վտանգի մասին:

Մենք որ պետք է ենթարկվի այն երկրի օրենքներին, որտեղ ինքն ապրում է: Միայն դա կարող է երաշխավորել քաղաքացու իրավունքները, անկախ նրա ազգությունից: Եվ այդ իրավունքները պետությունը կպաշտպանի իր տրամադրության տակ եղած բոլոր միջոցներով:

Ոչ որ չպետք է համակերպվի ցանկացած ձևի ազգայնական դրսևորման հետ՝ ինչի դա տեղական նացիոնալիզմ թե շովինիզմ: Դրանք նվաստացուցիչ են ամեն մի ազգի համար, վիրավորական և անվալել են մարդկային արժանապատվության տեսակետից:

Չի կարելի համակերպվել նրանց հետ, ովքեր կուզե-

(Նարոնակութունը՝ 2-րդ էջում)

Մ. Ս. ԳՈՐԲԱԶՈՎԻ ելույթը կենտրոնական հեռուստատեսությամբ

(Սկիզբը՝ 1-ին էջում)

նաչին ազգամիջյան հարաբերություններում ծագած վեճերն օգտագործել շահադիտական, իսկ երբեմն էլ հանցավոր նպատակներով: Եվ եթե որևէ տեղ իրոք հարկավոր է անհանդուրժողություն, ապա դա նախ և առաջ նրանց նկատմամբ, ովքեր գիտակցաբար ազգամիջյան երկպառակություն են բորբոքում:

Ես արդեն ասել եմ և ուզում եմ կրկնել, դա խաղ է կրակի հետ: Ես, ով բռնել է այդ ուղին, իր վրա անչափ ծանր պատասխանատվություն է վերցնում սեփական ժողովրդի և ամբողջ հասարակության հանդեպ:

Մենք պարտավոր ենք կանգնեցնել իրավիճակի նման զարգացումը: Եվ չպետք է տատանվենք, օրենքների պահանջներին և մարդկանց կենսական շահերին համապատասխան ամենավճարակամ միջոցներ ձեռնարկելով նրանց դեմ, ովքեր հրահրում են ազգամիջյան բախումներ, սահմանները վերանայելու, ազգային փոքրամասնություններին արտաքսելու կոչեր են անում:

Այստեղ թողտվություն չի կարող լինել: Նրանց նկատմամբ, ովքեր հանցավոր ուղի են բռնել, ոչ էլ նրանց նկատմամբ, ովքեր նպատակ են դրան:

Չխոսելով անհետաձգելի գործողությունների անհրաժեշտության մասին, չի կարելի ամբողջ աշխատանքը հանձնել միայն արտակարգ միջոցառումներին, հրդեհների մարմանը: Մենք, ընկերներ, պետք է ամեն ինչ խորապես պարզենք և կենսագործենք ազգամիջյան հարաբերությունների առողջացման միջոցառումների համալիր, վերացնենք այն պատճառները, որոնք ընկած են ծագած բարդությունների հիմքում:

Նայելով ճշմարտության աչ-

քերին, պետք է խոստովանել, որ մեր բոլոր ժողովուրդների զարգացման ճանապարհին ձեռք բերված հսկայական նրվածումների հետ մեկտեղ կուտակվել են բավականաչափ պրոբլեմներ, որոնք պահանջում են թե սենտուն ուշադրություն և թե անհետաձգելի գործողություններ:

Ծագած դժվարությունների պատճառները միանշանակ չեն:

Հագիվ թե որևէ մեկը կարողանա ժխտել այն վիթխարի վերափոխումները, որոնք տեղի են ունեցել մեր երկրի բոլոր ժողովուրդների էկոնոմիկայում և մշակույթում: Բայց դրանք ծնել են նաև իրենց պրոբլեմները, որոնք երկար ժամանակ չէին նկատվում, կոծկվում էին:

Հակասությունների բարդ համադրություն միահյուսվել են ազգային պրոբլեմները և այն պրոբլեմները, որոնք էկոնոմիկայի լծացման, մարդկանց սոցիալական կարիքների նկատմամբ անուշադրության հետևանք են:

Մի ժամանակ տարածված բոլոր ազգերի միաձուլման հիմնադրույթը իրականում հանձնարարական էր այն պահին, որ մեր ձեռքում և ինտերնացիոնալացման օբյեկտիվ և ընդհանուր առմամբ առողջ միտումը հակադրվեց ազգային ինքնագիտակցության աճին:

Այսօր մենք քաղում ենք նաև նախորդ տասնամյակներում թույլ տրված ապօրինության պտուղները, իրենց հողերից ամբողջ ժողովուրդների արտաքսումը, փոքրաթիվ ազգերի ազգային շահերի մոռացությունը: Այդ ամենը եղել է և դա չէր կարող անհետևանք անցնել: Եվ նման շեղումների հետևանք են անտարբերությունը ազգային շահերի նկատմամբ, հանրապետությունների, ինք-

նավարությունների բազմաթիվ չլուծված սոցիալ-տնտեսական պրոբլեմները, երկրի ժողովուրդների լեզվի ու մշակույթի զարգացման ձևախեղումները, ժողովրդագրական իրադրության արուժը և շատ ուրիշ բացասական հետևանքներ, որը վերջին հաշվով լարվածություն ստեղծեց ազգամիջյան հարաբերություններում:

Ամենքիս առջև ծառայած է շատ բարդ խնդիր. այդ հարաբերությունները մտցնել բնականոն, առողջ հունի մեջ: Դա կենսականորեն անհրաժեշտ է:

Եվ մենք պետք է ճիշտ ընտրություն կատարենք, հստակորեն պարզենք, թե ինչ մոտեցումներով պետք է լուծվեն այդ հարցերը:

Ո՞րն է կուտակված պրոբլեմների լուծման բանալին:

Առաջին: Պետք է դեկավարվել այն հիմնարար սոցիալիստական շահանիշով, որի մասին քարոզ են խոսվեց XIX կուսակցական կոնֆերանսում. յուրաքանչյուր մարդ, ինչ ազգի էլ որ նա պատկանելիս լինի, պետք է երկրի ցանկացած մասում իրեն զգա լիիրավ քաղաքացի, հնարավորություն ունենա օգտվելու ԽՍՀՄ սահմանադրությամբ երաշխավորված բոլոր իրավունքներից:

Ազգերի և ազգությունների իրավահավասարությունը անխզելիորեն կապված է մարդկանց հավասարության հետ, անկախ նրանց ազգությունից: Սա մարդկային քաղաքակրթության հումանիզմի բարձրագույն սկզբունքն է:

Իսկ այնտեղ, որտեղ չկա այս սկզբունքի ըմբռնում, արդեն տեղի են ունենում և կարող են ծագել նոր դրամատիկ դեպքեր: Առայժմ կոնֆլիկտներն առնչվել են այն շրջաններին, որտեղ որոշ ազգությունների մարդիկ կազմում են փոքրա-

մասնություն և ոչ մեծ հանրություններ:

Իսկ եթե ազգամիջյան երկպառակությունը տարածվի, ընդգրկի այն ռեգիոնները, որտեղ բնիկ ազգության մարդկանց հետ մեկտեղ բնակվում են ուրիշ ազգությունների միլիոնավոր մարդիկ:

Պարզ չէ, արդյոք, թե որքան ուրբերգական կարող են լինել այդ խելահեղ գոտիային հետևանքները: Եվ մենք ինչ օրինակ կծառայենք ուրիշներին, համայն մարդկությանը բռնացումից զերծ աշխարհի կոչ անելով:

Երկրորդ: Մենք կարող ենք բարեփոխման հույս ունենալ միայն այն դեպքում, եթե յուրաքանչյուր ազգ, յուրաքանչյուր ժողովուրդ իրեն զգա, ես կասեի, վստահ սեփական տանը, սեփական հողի վրա:

Ուստի և պետք է բոլոր անհրաժեշտ նախադրյալներն ապահովվեն տնտեսական, սոցիալական առաջընթացի, լեզվի և մշակույթի ազատ զարգացման համար, այն միջավայրի պահպանման ու ռացիոնալ օգտագործման համար, որտեղ անցել է նրանց նախնիների կյանքը դարեր շարունակ:

Դա պարզ է, ինչպես պարզ է նաև այն, որ բնիկ ազգության բարօրությունը չի կարող ձեռք բերվել մյուս ազգությունների մարդկանց իրավունքների ու ազատությունների ոտնահարման և մանավանդ դուրսմղման հաշվին, մարդիկ, որոնք իրենց կյանքը, զավակների ու թոռների բախտը կապել են այդ հողի հետ:

Մենք ապրել ենք և կապրենք բազմազգ հանրության մեջ: Սա ճիշտ է երկրի բոլոր միութենական և ինքնավար հանրապետությունների, բոլոր ինքնավար մարզերի և օկրուգների, բոլոր երկրամասերի ու

մարզերի համար: Այսպիսին է մեր բազմազգ Միության յուրահատկությունը: Եվ դրա հետ պետք է հաշվի նստել:

Երրորդ: ԽՍՀՄ կենտկոմի 1985 թվականի ապրիլյան պլենումից հետո կուսակցությունը և ժողովուրդը հանգեցին այն հետևությանը, որ անհրաժեշտ է իրականացնել քաղաքական ու տնտեսական արմատական ռեֆորմ: Հիմա կյանքը մեզ մոտեցրել է այն բանին, որ նույնքան անհրաժեշտ է նաև խոր վերափոխումներ կատարել խորհրդային ֆեդերացիայում:

Միանգամայն հասկանալի է, որ կապահովվի դրա հետ կապված բոլոր հարցերի հիմնավոր ուսումնասիրում: Եվ այստեղ հատկավոր է գործել համատեղ: Սա մեր ընդհանուր մտահոգությունն է: Մենք բոլորս չափազանցված ենք նշանով, որ ընդունվեն լավագույն որոշումներ:

Այդ աշխատանքն սկսվել և ընթանում է լարված: Ծուտով կուսակցության ազգային քաղաքականության հարցերը քննարկման առարկա կդառնան ԽՍՀՄ կենտրոնական կոմիտեի պլենումում: Իրանցով հիմնավորապես կզբաղվեն ԽՍՀՄ ժողովրդական դեպուտատների համագումարը և երկրի Գերագույն խորհուրդը:

Այժմ հարկ է ասել ահա թե ինչ: Մտածելով ֆեդերացիայի վերակառուցման մասին, ազգամիջյան հարաբերությունների ներդաշնակեցման մասին, մենք չենք կարող հաշվի չառնել այն իրողությունները, որոնք ձևավորվել են ամբողջ հարյուրամյակների ընթացքում, հատկապես խորհրդային իշխանության տարիներին: Ֆեդերացիայի կազմում մեր ժողովուրդները տնտեսական, սոցիալական և մշակութային

զարգացման մեծ ուղի են անցել, ձեռք են բերվել, ինչպես ես արդեն ասացի, տպավորիչ արդյունքներ: Այսօր թե յուրաքանչյուր առանձին հանրապետություն և թե մեր ամբողջ ֆեդերացիան ցուցադրում են արդի քաղաքակրթության ակնառու նվաճումներ:

Միության շրջանակներում ամուր միահյուսվել են բոլոր հանրապետությունների սոցիալական շահերը, միասնական ժողովրդատնտեսական համալիր է ձևավորվել ամբողջ երկրի մասշտաբով աշխատանքի բաժանման ու կոոպերացման հիման վրա:

Որքան հարուստ է և պայծառորեն է քաղաքավաճում յուրաքանչյուր ազգ, այնքան մեր խորհրդային միասնությունն ավելի ամուր է:

Նույնիսկ հաշվի առնելով, որ այդ գործում թույլ են տրվել նաև զգալի թվով սխալներ, որ դրանում կան շտկում պահանջող բացահայտ անհարիություններ, փաստը մնում է փաստ, որ բոլոր հանրապետությունները, շրջանները իրար հետ կապված են ամենասերտ կերպով:

Այդ կապերը խզել, նշանակում է ողջ-ողջ մորթել: Չի կարելի լավագույնը ուղեկցել ստեղծվածի ավերման ուղին, հրաժարվել այն բանից, ինչ արդեն տվել է ֆեդերացիան, և ինչը կարող է բազմապատկվել դրա շրջանակներում:

Ուստիև տնտեսական ներփակության ու հոգևոր մեկուսացման կոչերը պետք է համարել յուրաքանչյուր ժողովրդի, ամբողջ հասարակության արմատական շահերին խորապես խորթ: Դրանց իրագործումը ամենքիս մեծապես հետ կենտեր, վիթխարի նյութական և բառայական կորուստներ կպատճառեր յուրա-

քանչյուր ազգի, յուրաքանչյուր մարդու:

Իսկ չէ որ մենք, վերակառուցում սկսելով, զբաղվում ենք նախ և առաջ մեր կյանքի արմատական քարելավմամբ: Եվ դրա համար իրական հնարավորություններ կան:

Համոզված եմ. մեզ հուզող բոլոր հարցերի պատասխանները պետք է որոնել ոչ թե խարխլման միասնության խարիզման մեջ, այլ ֆեդերացիայի վճռական նորացման ճանապարհին, որպեսզի դրան մի տեսակ երկրորդ շրջառություն տանք, լիովին և գործնականորեն իրականացնենք այն սկզբունքները, որոնք դրել է Լենինը խորհրդային հանրապետությունների դաշինքի հիմքում:

Այս բոլոր հարցերը հեռավոր ապագայի գործ չեն: Դրանք պետք է իրենց լուծումը գտնեն քաղաքական ռեֆորմի ներկա փուլում:

Չորրորդ: Խոսելով ազգամիջյան հարաբերությունների մասին, բազմազգ երկրում այն հարցի ամբողջ քաղաքական մասին, ես կուզենայի ընդգծել մեր հանրապետությունների կոմունիստների ու կոմերիտականների, ամբողջ հասարակայնության պատասխանատվության միտքը:

Ծատ բան կախված է մեր մտավորականությունից, բոլոր հանրապետությունների գիտության ու մշակույթի գործիչներից: Ազգային պրոցեսների վրա նրանց ազդեցությունը վիթխարի է, նրանց խոսքը լուսում են ժողովուրդները: Մենք հույս ունենք, որ այդ ազդեցությունը կլինի խելամիտ և բարերար:

Ազգային պրոբլեմներին վերաբերող ամեն ինչ անցնում է մարդու գիտակցության, հոգու միջով: Ահա թե ինչու մեր հասարակության յուրաքան-

չյուր քաղաքացի պետք է ազգամիջյան կրքերի հանդարտեցմանը կոչող իր խոսքը ասի:

Ներկայումս բառացիորեն ամենքից և յուրաքանչյուրից պահանջվում են այդ հարցում ծայրահեղ պատասխանատվություն և ազնվություն, որ գլխավորն է՝ խելամիտ վարմունք և կոնկրետ գործեր:

Բոլոր նրանք, ում համալիր թանկ են մարդկանց խաղաղությունն ու բարօրությունը, չեն կարող լինել կողմնակի հանցողներ: Այս հարցերում իր պորտումները պետք է լինեն հստակ ու հաստատուն:

Վճռակաճորեն հակազդելու ազգայնականության ամեն անսակ դրսևորումներին, կարևոր է նրբանկատ և զգայուն լինել ազգային բնույթի բոլոր օրինական պահանջների և իղձերի նկատմամբ:

Խորհրդային ժողովուրդները միևնույն ճակատագիրն ունենում են: Մեր առջև ծագող հարցերը, այդ թվում ամենաբարդերը, կարող են լուծվել և արդեն լուծվում են դեմոկրատական քննարկման, միմյանց նկատմամբ հանդուրժողության և ուշադրության հիման վրա: Այդ ուղի մենք պարզապես չունենք: Դա հարկավոր է որ միայն լավ հասկանալ, այն համապատասխան կենդանու գործել:

Թանկագին ընկերներ: Ես դիմում եմ մեր երկրի բոլոր ազգությունների մարդկանց, ձեզ բողոքող: Ես դիմում եմ ձեր մտքին ու սրտին:

Ես կոչ եմ անում մեծագույն պատասխանատվություն հանդես բերել ներկա և ապագա ժամանակների հանդեպ, ամեն ինչ անել ազգամիջյան հարաբերություններում կուտակված պրոբլեմները բարեկամության ու համագործակցության հիման վրա լուծելու և խորհրդային ֆեդերացիան զարգացման լայն ճանապարհ դուրս բերելու համար՝ հանուն մեր ընդհանուր շահերի: